



მეშახტე

№16

კომპანიის სიახლეები / ჩვენი თანამშრომლები / ქალაქის აგებები / იმერეთის სიახლეები



“საქნახშირში” ახალი ამოსადები ველების მოსამზადებელი სამუშაოები მიმდინარეობს

გვ.2

გვ.4



„სოფლის მხარდაჭერის პროგრამის“ ფარგლებში ტყიბულისთვის 542 000 ლარი გამოიყო

ტყიბულის “მეშახტე” „დასავლეთის თასის“ გამარჯვებულია!

გვ.5



გვ.7



ქუთაისში, დევნილი ოჯახებისთვის 800 ბინის მშენებლობა მალე დასრულდება

ახალი ამოსაღები ველების მოსამზადებელი სამუშაოები წარმატებით მიმდინარეობს



„საქნახშირში“ რეაბილიტაციისა და ახალი ველების მოსამზადებელი სამუშაოები აქტიურ რეჟიმში მიმდინარეობს. კომპანიის მენეჯმენტი ყველაფერს აკეთებს, რომ მსოფლიოში შექმნილმა რთულმა მდგომარეობამ გავლენა არ მოახდინოს შახტების რეაბილიტაციის პროცესზე და სამუშაოები გეგმის შესაბამისად წარიმართოს.

ამ მომენტისთვის, +175 ჰორიზონტზე ახალი ამოსაღები ველი (უბანი) მზადდება. ეს არის პირველი ველი +175 და +275 ჰორიზონტებს შორის, რომელიც საშუალებას მოგვცემს, რომ მომდევნო წლების განმავლობაში მოპოვებისთვის დაახლოებით 400 000 ტონა ქვანახშირის არსებული მარაგი მომზადდეს. ამ რაოდენობის ათვისებას კომპანია დაახლოებით 6-7 წლის განმავლობაში შეძლებს.

პარალელურად, +175 ჰორიზონტზე დაწყებულია სალიანდაგო მეურნეობისა და ელმავლების კაპიტალური რემონტი.

რაც შეეხება სხვა მიმდინარე სიახლეებს:

- ▶ „ძიდიგურის“ სახელობის შახტში ძველი მილ-გაყვანილობების დემონტაჟი განხორციელდა. წყალსატუმბი კამერიდან შახტში მონადენი წყლების ამოსატუმბად, -300 ჰორიზონტიდან ზედაპირამდე, 300 მ. მილგაყვანილობა დამონტაჟდა. იმავე დანიშნულებით, 225 მ. მილგაყვანილობა დამონტაჟდა +175-დან +400 ჰორიზონტამდე.
- ▶ N15 ჯგუფური შუროს (სკაპის) შეუღლების ადგილის მოსაწყობად, მიმდინარეობს +275 ჰორიზონტის აღმოსავლეთ საველე შტრეკის გადამაგრება (რომლითაც მომზადდება ახალი ველი).
- ▶ სარკინიგზო ტრანსპორტის (ელმავლების) გამართული მუშაობისთვის შემოტანილია 700 აკუმულატორული ბატარეა.
- ▶ შეკვეთილია და სრულად არის გადახდილი ადგილობრივი განიავების ვენტილატორები და ვაკონების წყვილთვალები (უახლოეს პერიოდში დამზადდება).
- ▶ შეძენილია ელმავლის სათადარიგო ნაწილები, მიმდინარეობს მათი ტრანსპორტირება.



N4 ნახშირმოპოვებელი უბანი ანაზღაურების ახალ სისტემაზე გადადის

N4 ნახშირმოპოვებელი უბნის თანამშრომლები გამომუშავების სისტემაზე გადადიან. აღნიშნული ცვლილება ძალაში 2022 წლის 1 მაისიდან, სატესტო რეჟიმში შევა (3 თვით).

ამ ცვლილებას წინ უძღოდა საკონსულტაციო საბჭოს მუშაობა და კვლევა. აღნიშნული საკითხი დასაქმებულებმა ხელმძღვანელებთან ერთად განიხილეს. უბნის უფროსების ინიციატივით ჩატარდა კრება, რომელზეც დასაქმებულებმა გამომუშავების ახალ სისტემაზე გადასვლის გადაწყვეტილება ერთხმად მიიღეს.


მოხდა შესასრულებელი სამუშაოების განფასებები. განფასების მიხედვით წარმოქმნილი სახელფასო ფონდი თანამშრომლების მიერ ნამუშევარი დღეებისა და მათზე მინიჭებული შრომითი კოეფიციენტის შესაბამისად გადანაწილდება.

ანაზღაურების რაოდენობა დამოკიდებული იქნება დასაქმებულების მიერ მოპოვებული ქვანახშირის, გვირაბების გაყვანის და სხვა შესრულებული სამუშაოების რაოდენობაზე. განფასებულია უსაფრთხოების ზომებით გათვალისწინებული სამუშაოების შესრულებაც, რომლის ანაზღაურებაც ადრე არ ხდებოდა (მაგალითად, წინასწარი პროფილაქტიკური სარემონტო სამუშაოები).

ანაზღაურების აღნიშნული სისტემა თანამშრომლების მოტივირებისა და შრომის ნაყოფიერების გაზრდის საშუალებას იძლევა.



ტყიბულში კიდევ ერთი უკანონო კარიერი აღმოაჩინეს!



2022 წლის აპრილში, ტყიბულში, პოლიციამ ქვანახშირის კიდევ ერთი უკანონო კარიერი აღმოაჩინა. აღნიშნულ ღია კარიერზე მოპოვების სამუშაოები სათანადო ნებართვისა და უსაფრთხოების ყოველგვარი წესების დაცვის გარეშე მიმდინარეობდა, რაც საფრთხეს უქმნის აღნიშნულ კარიერებზე დასაქმებულების ჯანმრთელობასა და სიცოცხლეს. ტყიბულის მუნიციპალიტეტის მერის, დავით ჩერქეზიშვილის გადაწყვეტილებით, ტყიბულში სპეციალური კომისია იქმნება, რომელიც ღია კარიერებთან დაკავშირებულ საკითხებს შეისწავლის და შესაბამის დასკვნას მოამზადებს. თავის მხრივ, „საქნახშირის“ ადმინისტრაცია კატეგორიულად აფრთხი-

ლებს არაკანონიერი კარიერების მფლობელებს და დასაქმებულებს, რომ დაუყოვნებლივ შეწყვიტონ „საქნახშირთან“ შეუთანხმებელი სამუშაოების წარმოება. უკანონო მოპოვება უდიდეს საფრთხეს უქმნის მათ ჯანმრთელობას და სიცოცხლეს.

შეგახსენებთ, რომ ქვანახშირის მოპოვების ლიცენზია მხოლოდ კომპანია „საქნახშირს“ აქვს და მხოლოდ „საქნახშირი“ უზრუნველყოფს თანამედროვე სტანდარტების შესაბამის უსაფრთხო სამუშაო გარემოს. შესაბამისად, ქვანახშირის მოპოვებელი ყველა სხვა ობიექტი უკანონოა, უხეშად არღვევს შრომის უსაფრთხოების ნორმებს და საფრთხეს უქმნის დასაქმებულების სიცოცხლეს.



გიორგი კვინტარაძე 32 წელი სამთო სფეროში

გიორგი კვინტარაძე სამთო სფეროში 32 წელია მუშაობს. საქართველოს ტექნიკური უნივერსიტეტი სასარგებლო წიაღისეულის გამდიდრების სპეციალობით დაამთავრა და მშობლიურ ქალაქში დაბრუნდა. ახალგაზრდა სამთოელმა

1981 წელს მუშაობა ტყიბულში, ქვანახშირის ცენტრალურ გამამდიდრებელ ფაბრიკაში, ცვლის ოსტატის პოზიციაზე დაიწყო. წლების მანძილზე ცვლის უფროსის, წარმოების უფროსისა და მთავარი ინჟინრის პოზიციებს იკავებდა. 10 წელი აღნიშნული საწარმოს დირექტორადაც მუშაობდა. ამის შემდეგ, გარკვეული პერიოდით, სამუშაოდ სხვაგან წავიდა, თუმცა, ბოლო 2 წელია გამამდიდრებელ ფაბრიკაში დაბრუნდა. ამჟამად ფაბრიკის უფროსის მოადგილეა. ბატონი გივი საკუთარ ცოდნასა და გამოცდილებას საწარმოში ახალგაზრდა თაობას სიამოვნებით უზიარებს.

გივი კვინტარაძე: „შახტს და „საქნახშირს“ უდიდესი მნიშვნელობა აქვს ჩვენი რეგიონისთვის, რამეთუ, ამ მასშტაბის ალტერნატიული დამსაქმებელი ტყიბულის მუნიციპალიტეტში არ არსებობს. პრომისუნარიანი მოსახლეობის უმეტესობა შახტში მუშაობს და

მასზეა მიბმული ამ ადამიანების ოჯახები, შვილები, მათი მომავალი.

ნახშირის მოპოვების მხრივ გარკვეული წინსვლაც არის. უსაფრთხოების წესების დაცვის და სოციალური პირობების გაუმჯობესების თვალსაზრისითაც კარგი მდგომარეობაა. იმედი გვაქვს, მომავალ წლებში კიდევ უფრო მეტი წინსვლა გვქეცნება.

საწარმოში ძალიან სწრაფად, ოპერატიულად ხდება დასაქმებულების მოთხოვნილი საკითხების მოგვარება. შეთანხმებულად ვმუშაობთ კომპანიის ხელმძღვანელობასთან. ისინი მუდმივად ზრუნავენ საწარმოს განვითარებაზე, დასაქმებულების სამუშაო პირობებისა და სოციალურ-ეკონომიკური მდგომარეობის გაუმჯობესებაზე, რაც მისასალმებელია. რაც შეეხება ჩვენს (ფაბრიკის) მუშაობას, მატერიალურ-ტექნიკურ საკითხებზე რეაგირება, ყველა საჭირო მანქანა-დანადგარებით ფაბრიკის მომარაგება დროულად ხდება, რათა მუშაობა არ შეფერხდეს. უახლოეს დღეებში ფაბრიკის ტერიტორიაზე თანამშრომლებისთვის სასააღილოც გაიხსნება და ძველი, განთქმული „ცოფის“ სასააღილოს მუშაობა აღდგება.

დათიკო კვიტაშვილი პროფესიით მინისტრსა საბადოების მოპოვება-დამუშავების სპეციალისტია. კომუნარსკის სამთო-მეტალურგიული ინსტიტუტის დასრულების შემდეგ ლუგანსკისა და ტყიბულის შახტებში მუშაობდა. მას სამთო სფეროში მუშაობის 15 წლიანი გამოცდილება აქვს.

დავით კვიტაშვილი 1963 წელს უკრაინაში, ქალაქ არტიომოვსკში, სამთოელის ოჯახში დაიბადა. მამა მემახტე იყო, დედა შახტის კადრების განყოფილებაში მუშაობდა. უკრაინიდან ტყიბულში საცხოვრებლად 1969 წელს, მშობლებთან ერთად ჩამოვიდა. 1984 წელს სასწავლებლად კვლავ უკრაინაში წავიდა.. კომუნარსკის სამთო-

მეტალურგიულ ინსტიტუტში, სამთო ფაკულტეტი წარმატებით დაასრულა. პროფესიით მინისტრსა საბადოების მოპოვება-დამუშავების სპეციალისტია. გარკვეული პერიოდით, ხან ტყიბულში, ხან კი ლუგანსკში მუშაობდა. 2014 წელს მშობლიურ ტყიბულს საბოლოოდ დაუბრუნდა. აჟამად „მინდელის“ შახტზე, საწარმოო სამსახურის ცვლის უფროსია.

დათიკო კვიტაშვილი: „მიხარია რომ „საქნახშირის“ თანამშრომელი ვარ - კომპანიის, რომლისთვისაც პროფესიით თანამშრომლებზე ზრუნვა. „საქნახშირი“ დიდ საქმეს აკეთებს ტყიბულის კეთილდღეობისთვის.“



დათიკო კვიტაშვილი 15 წელი სამთო სფეროში



ზურა გიორგაძე 5 წელი სამთო სფეროში

26 წლის მემახტე, ზურაბ გიორგაძე პროფესიით სამთო ტექნიკოსია. განათლება საქართველოს ტექნიკური უნივერსიტეტის ტყიბულის სამთო-ტექნოლოგიურ ინსტიტუტში მიიღო. „საქნახშირის“ გუნდს 5 წლის წინ შემოუერთდა. „მინდელის“ სახელობის შახტში მებუნკერე-გამგორის პოზიციაზე ოთხ წელზე მეტი იმუშავა. ახლა უკვე ტრანსპორტის უბნის მინისტრსა ელმავლის მემანქანაა.

ზურაბ გიორგაძე: „მამა მემახტე იყო, აქ სამუშაოდ მან მომიყვანა. თავიდან საერთოდ ვერ ვერკვეოდი შახტის საქმიანობაში. შემდეგ ნელ-ნელა, თანამშ-

რომლებისა და მეგობრების დახმარებით ყველაფერი გავიგე, ვისწავლე და გამოცდილებაც მივიღე. დღეს მემამყება რომ სამთოელი ვარ. ვცდილობ, ღირსეულად გავაგრძელო მამის პროფესია და წარმატებული მემახტე ვიყო. შახტა რომ არ იყოს, ქალიქიდან წასვლა მომიწევდა. ამ ეტაპზე, ოჯახის ერთადერთი მარჩენელი ვარ. მყავს მეუღლე, შვილი, დედა და ძმა. მათზე ზრუნვა ჩემი მოვალეობაა. კომპანია „საქნახშირის“ დამსახურებაა რომ ჩვენს რეგიონში ასეთი დიდი საწარმო მაქსიმალური დატვირთვით მუშაობს და ადგილობრივებს ასაქმებს.“

ზურაბ კირკიტაძე ახალგაზრდა მემახტეა, შახტში მუშაობა 19 წლის ასაკში დაიწყო და უკვე 8 წელია „საქნახშირის“ გუნდის წევრია. თავიდან რკინიგზის ხელოსანი იყო, შემდეგ კი, მოძრაობის უბნის გამგორე. ბოლო ორი წელია შახტის N1 უბანში წმენდითი საწვრევის სამთო მუშის პოზიციაზე მუშაობს.

განათლებით სამთო-ტექნიკოსია, საქართველოს ტექნიკური უნივერსიტეტის ტყიბულის სამთო-ტექნოლოგიური ინსტიტუტი დაამთავრა. სწავლის პარალელურად შახტში მუშაობდა. ზურას ბაბუაც და მამაც მემახტეები იყვნენ. ზურამ და მისმა ძმებმა ბაბუისა და მამის ტრადიცია გააგრძელეს - მისი ორი ძმა ყოფილი მე-

შახტეა, ერთი, ირაკლი კირკიტაძე, დღემდე „საქნახშირის“ თანამშრომელია და ღირსეულად ატარებს გამოცდილი მემახტის სტატუსს.

ზურა კირკიტაძე: „ტყიბულის სიცოცხლის წყარო შახტაა. ჩვენი ოჯახის ფინანსური მდგომარეობა შახტზეა დამოკიდებული. რომ არა „საქნახშირი“ ძალიან გაგვიჭირდებოდა აქ ცხოვრება. რაც შახტში ვმუშაობ, მემახტეების სასიკეთოდ ბევრი ცვლილება განხორციელდა. წინსვლა და პროგრესი შესამჩნევია. ვისურვებდი, რომ გავაგრძელოთ წინსვლა, რათა კიდევ უფრო დაფასდეს ჩვენი შრომა და უფრო გაუმჯობესდეს სამუშაო პირობები.“



ზურაბ კირკიტაძე 8 წელი სამთო სფეროში

ტყიბულში 9 აპრილს დაღუპულთა ხსოვნას პატივი მიაგეს



ტყიბულის მუნიციპალიტეტის მერმა, დავით ჩერქეზიშვილმა, ადგილობრივი ხელისუფლების წარმომადგენლებთან და მოქალაქეებთან ერთად 9 აპრილის პარკში დაღუპულთა მემორიალი ყვავილებით შეამკეს და პატივი მიაგეს საქართველოს დამოუკიდებლობისთვის გარდაცვლილთა ხსოვნას. ტყიბულის წმ. გიორგის

სახელობის ეკლესიაში 9 აპრილს დაღუპულთა სულების მოსახსენიებელი პანაშვიდიც ჩატარდა.

„9 აპრილი უმნიშვნელოვანესი თარიღია საქართველოს უახლეს ისტორიაში. ეს არის დღე, რომელმაც ჩვენს ქვეყანას დამოუკიდებლობა მოუტანა. ფასდაუდებელია იმ ადამიანების წვლილი, ვინც თავი გასწირა თავისუფლებისათვის. გისურვებთ ყველას, თავისუფლება, დამოუკიდებლობა ყოფილიყოს არამხოლოდ ერთხელ მოტანილი, არამედ ჩვენი ხელებით, გულებით, გონებით მუდამ დაცული. ყველაზე რთული მოპოვებულის შენარჩუნებაა, დღესაც გვაქვს უზარმაზარი გამოწვევები და მნიშვნელოვანია ვიყოთ ჩვენი ქვეყნის, კუთხის, ოჯახის სამსახურში და მარადიულად ვემსახუროთ ჩვენს სამშობლოს“- აღნიშნა დავით ჩერქეზიშვილმა.

შეგახსენებთ, რომ 1989 წლის 4 აპრილს საქართველოს დამოუკიდებლობის მოთხოვნით დაწყებული საპროტესტო გამოსვლები 9 აპ-

რილს სასტიკი დარბევით დასრულდა. მიტინგის დაშლისას დაიღუპა 21 მოქალაქე, ხოლო სხეულის მძიმე დაზიანება და ინტოქსიკაცია მიიღო ასობით ადამიანი. საქართველოს უახლეს ისტორიაში 9 აპრილი შევიდა, როგორც დიდი ტრაგედიისა და ამავდროულად, დამოუკიდებლობის აღდგენის დღე.



„ეკო ჰაბში“ გარემოსდაცვით საკითხებზე სამუშაო შეხვედრა გაიმართა



ნიშებით გაიმართა და ის მდგრადი განვითარების მიზნებს ეხებოდა. ვორკშოპზე, რომელიც გარემოსდაცვით საკითხებს მოიცავდა, N1 და N2 საჯარო სკოლის მოსწავლეებმა პრეზენტაციები წარმოადგინეს, ხოლო შეხვედრის დასასრულს დისკუსია გაიმართა.

ახალგაზრდული გარემოსდაცვითი კონკურსის „ნიკო კეცხოველის სასკოლო პრემია 2022“-ის ფარგლებში, ტყიბულის მუნიციპალიტეტის მერი, დავით ჩერქეზიშვილი პროექტში ჩართულ ახალგაზრდებს ესტუმრა.

სამუშაო შეხვედრა CENN-ის წარმომადგენლის, მაია კეხევაძის ორგანი-

შეხვედრაზე აღინიშნა, რომ ეკოკლუბი „ერა“ აქტიურად თანამშრომლობს მუნიციპალიტეტთან და მერის მხარდაჭერით მათ არაერთი სოციალური და გარემოსდაცვითი აქტივობა განახორციელეს.

კონკურსი „ნიკო კეცხოველის სასკოლო პრემია“ მიზნად ისახავს ბუნებრივი და სოციალური გარემოს გაუმჯობესების მიმართულებით ცვლილებების წახალისებასა და ახალგაზრდებისთვის ისეთი ფასეულობების ჩამოყალიბებას, როგორცაა: სოლიდარობა, თანამშრომლობა, თანასწორობა და გარემოსდაცვითი პასუხისმგებლობა.

შეგახსენებთ, რომ „ეკო ჰაბის“ სამუშაო სივრცე ტყიბულის მოსწავლე-ახალგაზრდობის სასახლეში, კომპანია „საქნახშირის“ დაფინანსებით მოეწყო.



„სოფლის მხარდაჭერის პროგრამის“ ფარგლებში ტყიბულისთვის 542 000 ლარი გამოიყო



ფარგლებში დასაფინანსებელი პროექტების შერჩევის მიზნით, ტყიბულის მუნიციპალიტეტში დასახლებების საერთო კრებები და ამომრჩეველთან კონსულტაციები დასრულდა.

2022 წელს ტყიბულის მუნიციპალიტეტისთვის „სოფლის მხარდაჭერის პროგრამის“ ფარგლებში 542 000 ლარი გამოიყო. აღნიშნული თანხა მაცხოვრებელთა რაოდენობის მიხედვით 47 სოფელზე გადანაწილდა.

პროგრამის ფარგლებში შეხვედრები მუნიციპალიტეტის ყველა სოფელ-

ში გაიმართა. მოსახლეობის გადანაცვლებით შეირჩა პრიორიტეტული მიმართულებები, რომელთა უმეტესი ნაწილი შიდა გზების, გარე განათების და წყალმომარაგების მოწესრიგების საკითხებს შეეხებოდა.

„სოფლის მხარდაჭერის პროგრამით“ პროექტების შერჩევა ეფუძნება მოსახლეობის მიერ გადანაცვლებების მიღების პრინციპს, სადაც მოქალაქეები ხმათა უმრავლესობით, თავად ირჩევენ პრიორიტეტულ მიმართულებებს.



ტყიბულის მუნიციპალიტეტში უკრაინიდან დევნილი პირველი ოჯახი ჩამოვიდა



ქალაქ ხარკოვიდან ჩამოსულ ხუთ ადამიანს (მათგან სამ არასრულწლოვანს), სოფელ გელათში ერთ-ერთი ადგილობრივი ოჯახი მასპინძლობს. ისინი ტყიბულის მუნიციპალიტეტის მერმა, დავით ჩერქეზიშვილმა და საკრებულოს თავმჯდომარემ, იოსებ რობაქიძემ ადგილობრივი თვითმმართველობის წარმომადგენლებთან ერთად

მოინახულეს, საკვები პროდუქტები გადასცეს, თანადგომა გამოუცხადეს და ფინანსური მხარდაჭერაც აღმოუჩინეს.

მუნიციპალიტეტის მერიის მხრიდან აღნიშნული ოჯახის მიმართ თანადგომა გაგრძელდება, ვიდრე მათ არ მიეცემათ საკუთარ ქვეყანაში დაბრუნების შესაძლებლობა.

ტყვარჩელის ქუჩაზე მრავალსართულიანი სახლების ფასადების რეაბილიტაცია დაიწყო!



ტყიბულის შემოსასვლელში, მრავალსართულიანი საცხოვრებელი სახლების ფასადების რეაბილიტაცია დაიწყო. ტყვარჩელის ქუჩაზე ოთხი საცხოვრებელი კორპუსის (N24, N26, N32, N34) ფასადი სრულად განახლდება. პროექტის ღირებულება 736 162 ლარია. სამუშაოები მიმდინარე წლის ბოლომდე დასრულდება.

პარალელურად, აღნიშნული საცხოვრებელი სახლის სარდაფებში წყლის დაგროვების პრობლემის მოგვარებისა და სტიქიის შედეგად დაზიანებული სახურავის რეაბილიტაციის სამუშაოები განხორციელდება.

ტყიბული უკრაინის მხარდასაჭერად

ტყიბულის მუნიციპალიტეტში, უკრაინელი ხალხის მხარდასაჭერად 2 ტონაზე მეტი ჰუმანიტარული ტვირთი შეგროვდა, რაც სამედიცინო ნივთებს, მედიკამენტებს, არამალფუჭებად საკვებ პროდუქტებსა და პირველადი მოხმარების საგნებს მოიცავს.

ტვირთის მობილიზების პროცესში ჩართულები იყვნენ ბიზნეს სექტორის წარმომადგენლები, საჯარო მოხელეები, რიგითი მოქალაქეები, სხვადასხვა ორგანიზაციები და დანებისულებები. აქციის ორგანიზება ტყიბულის მუნიცი-

პალიტეტის მერიამ უზრუნველყო. ჰუმანიტარული ტვირთის გარდა, მოხერხდა ფინანსური რესურსის მობილიზებაც. სახაზინო ანგარიშზე შემოსული თანხის ოდენობამ 20 000 ლარს გადააჭარბა.

რეგიონებიდან უკრაინაში ჰუმანიტარული ტვირთის გაგზავნის გადანაცვებილება საქართველოს პრემიერ-მინისტრს ეკუთვნის, რომელიც რეგიონის სახელმწიფო რწმუნებულებისა და მთავრობის რეგიონებთან ურთიერთობის დეპარტამენტის ჩართულობით, ერთობლივად ხორციელდება.



ტყიბულელმა კუნგ-ფუისტებმა წარმატებით ისაპარეზეს



ოლიმპიური რეზერვების მზადების ეროვნულ ცენტრში (თბილისში), კუნგ-ფუში საქართველოს ჩემპიონატი გაიმართა. ჩემპიონატში ქვეყნის სხვადასხვა რეგიონის 14 სკოლის 102 სპორტსმენი (ვაჟები და გოგონები) მონაწილეობდა.

„ოლეგ ფანჩულიძის კუნგ-ფუს სკოლის“ ტყიბულელმა კუნგ-ფუისტებმა წარმატებით ისაპარეზეს. ტურნირზე ტყიბულის სპორტული ცენტრის კუნგ-ფუს ჯგუფის 6 სპორტსმენი გამოვიდა. მათ 5 პირველი და 1 მესამე საპრიზო ადგილი დაიკავეს. საქართველოს ჩემპიონები გახდნენ: ნიკოლოზ ბუ-

ბაშვილი, დავით ჩეთოშვილი, საბა აბესაძე, ოთარ სანიკიძე და ნიკა ჩაფიძე. პრიზიორი გახდა ბადრი ბოჭორიშვილი.

ყველა ჩემპიონი და პრიზიორი დაჯილდოვდა მედლებით და დიპლომებით. გუნდურ პირველ ადგილზე შვიდი ჩემპიონით გავიდა ამბროლაურის სკოლა. მეორე და მესამე გუნდური ადგილები გაინაწილეს ტყიბულის და ზესტაფონის გუნდებმა 5-5 ჩემპიონით. გამარჯვებულ გუნდებს გადაეცათ საპრიზო თასები. კუნგ-ფუს სკოლა დახმარებისა და თანადგომისათვის მადლობას უხდის ტყიბულის სპორტულ ცენტრს.

ტყიბულის „მეშახტე“ „დასავლეთის თასის“ გამარჯვებულია



იმერეთის ფეხბურთის ფედერაციის ორგანიზებით, 9-29 მარტს ქუთაისში ტურნირი გაიმართა, რომელშიც 9 გუნდი ასპარეზობდა. ტყიბულის „მეშახტემ“ ჯგუფური ეტაპის ოთხივე შეხვედრა მოიგო და პირველი ადგილით ნახევარფინალში გავიდა, სადაც მარტვილის „მერანი“ 4:0 დაამარცხა. ფინალში „მეშახტემ“ აბაშის „ზანას“ 1:0 მოუგო და თასს დაეუფლა.





GITA-ს საბრანტო პროგრამების გამარჯვებული პროექტები

იმერეთის რეგიონში, საქართველოს ინოვაციებისა და ტექნოლოგიების სააგენტოს 30 000 ლარიანი და 100 000 ლარიანი საგრანტო პროგრამების გამარჯვებული გამოვლინდნენ. პროგრამა ევროკავშირის საგრანტო დაფინანსებით, „2020-2022 წლების საპილოტე რეგიონების ინტეგრირებული განვითარების პროგრამის“ ფარგლებში, საქართველოს ოთხ რეგიონში (იმერეთი, კახეთი, გურია, რაჭა-ლეჩხუმი-ქვემო სვანეთი) ხორციელდება.

ლონისძიებს იმერეთში სახელმწიფო რწმუნებული ზვიად შალამბერიძე, საქართველოს რეგიონული განვითარებისა და ინფრასტრუქტურის მინისტრის მოადგილე მზია გიორგობიანი და მუნიციპალიტეტების მერები ესწრებოდნენ.

100 000 ლარიანი საგრანტო კონკურსში გამარჯვებული პროექტები იმერეთში:



- პირველი ქართული 3D პრინტერის წარმოება (ქუთაისი)
- GDSystems - და ვინჩის მწვანე სისტემები - პლანეტარული ტიპის ტრანსფორმირებადი სასაბურე სისტემა სასარგებლო ფართის 100%-ით ათვისების სისტემით, ვეგეტაციური პროცესების შეზღუდვის გარეშე და გაუმჯობესებული აგროტექნიკური შესაძლებლობებით;
- soplidan.ge - ელექტრონული კომერციის პლატფორმა, რომელიც ვებ-გვერდის საშუალებით იმერეთის ფერმერებსაც პირდაპირ დააკავშირებს ადგილობრივ მოსახლეობასთან;
- ტყის გაყინული სოკოები - ინოვაციური ბიზნეს მოდელით, ქვეყანაში გამოუყენებელი ტონობით ტყის რესურსებით შეიქმნება ახალი პროდუქტი ადგილობრივი და საექსპორტო ბაზრებისთვის;
- Q-bic - მაღალი ხარისხის და ხელმისაწვდომი ფასით Glamping-ის კარვების წარმოება და გაყიდვა ადგილობრივ და საერთაშორისო ბაზრებზე;
- ხილისა და ბოსტნეულის გადამამუშავება - მოძრავი გადამამუშავებელი საწარმოს მეშვეობით წვენიების, ჯემების, სანებელების წარმოება, სრულიად ახალი სტანდარტის პროდუქციის შეთავაზება ადგილობრივი ნედლეულით და საექსპორტო და ადგილობრივი პოტენციალის ათვისება;
- ჰერბია - ახალი პროდუქტის: მწვანილის, ბოსტნეულის სალათების გადამამუშავება და შეფუთვა საჭმელად მზა სახით;

30 000 ლარიანი საგრანტო კონკურსში გამარჯვებული პროექტი იმერეთში:

- ბაია ფუდი - ადგილობრივი ნედლეულით დამზადებული ხილის, ჩირისა და მოკოლადის წასახემსებელი პროდუქტის წარმოება ქიმიური დანამატებისა და კონსერვანტების გარეშე



ერთიანი რეგიონული განვითარების პოლიტიკისა და ევროკავშირის ტერიტორიული დაგეგმვის უახლესი მიდგომების შესაბამისად, პროექტის მიზანია, რეგიონული სამეწარმეო ინოვაციური ეკოსისტემის განვითარება, ინოვაციური საწარმოების შექმნის სტიმულირება და ჩართვა ქვეყნის ეკონომიკაში.

„იმერეთის აგრო ზონა“ - სასათბურე მეურნეობების კლასტერის განვითარების პროექტის პრეზენტაცია



სასათბურე მეურნეობების კლასტერის განვითარების პროექტი იმერეთის რეგიონში მაღალი, საშუალო და დაბალტექნოლოგიური სათბურების, შემგროვებელი ლოჯისტიკის და გაყიდვების ცენტრის, ასევე გადამამუშავებელი საწარმოების შექმნას და განვითარებას ითვალისწინებს.

პროექტის კონცეფციის მიხედვით, არსებულ ნაკვეთებზე „იმერეთის აგრო ზონა“ განავითარებს ყველა საჭირო ინფრასტრუქტურას, რომელიც მნიშვნელოვანია სასათბურე მეურნეობების ოპერირებისთვის. პროექტი მიზნად ისახავს კლასტერის წევრებისთვის „ერთი-ფანჯრის“ პრინციპით სერვისის მიწოდებას.

აღნიშნული მიმართულების განვითარების მიზნით 18 უცხოურმა და ქართულმა კომპანიამ ხელი მოაწერა ნევრობის დეკლარაციას და ახლადდაფუძნებული ა(ა)იპ მებალეობის სასწავლო და სადემონსტრაციო ცენტრის წევრები გახდნენ. შპს „იმერეთის აგრო ზონის“ ორგანიზებით, შეხვედრაზე სასათბურე მეურნეობების კლასტერის განვითარების პროექტის | ფაზის იმპლემენტაციის დაწყებისა და მებალეობის სასწავლო და სადემონსტრაციო ცენტრის შესახებ იმსჯელეს.

ბის პროექტის | ფაზის იმპლემენტაციის დაწყებისა და მებალეობის სასწავლო და სადემონსტრაციო ცენტრის შესახებ იმსჯელეს.

ახლადდაფუძნებული ცენტრის წარდგენას იმერეთის მხარის სახელმწიფო რწმუნებული ზვიად შალამბერიძე, გარემოს დაცვისა და სოფლის მეურნეობის მინისტრის პირველი მოადგილე გიორგი ხანიშვილი და სოფლის განვითარების სააგენტოს დირექტორი ილია თამარაშვილი ესწრებოდნენ.

„საფუძვლი ჩაეყარა ცოდნაზე დაფუძნებული ცენტრის შექმნას, რომლის მმართველობაში და ფუნქციონებაში მონაწილეობას მიიღებენ ბიზნესტრუქტურები, სასწავლო-სამეცნიერო ცენტრები და უშუალოდ ფერმერები. ცენტრი ნევრობაზე დაფუძნებული ორგანიზაციაა და სამ წელიწადში, სახელმწიფო სრულად გადასცემს მის მართვას ორგანიზაციის წევრებს. ეს არის სიახლე საქართველოსთვის, არის ნოვაცია და ევროპული კულტურის დანერგვა ასეთი ტიპის ორგანიზაციების მართვაში“ - განაცხადა გარემოს დაცვისა და სოფლის მეურნეობის მინისტრის პირველმა მოადგილემ, გიორგი ხანიშვილმა.

მებალეობის სასწავლო და სადემონსტრაციო ცენტრის მშენებლობა 2022 წელს დაიწყება. ცენტრი ბაღდათში, საზოგადოებრივი კოლეჯის, „იბერიას“ მიმდებარედ აშენდება. სასწავლო ცენტრი და სადემონსტრაციო სათბურები 3 ჰექტრამდე მიწის ფართობზე მოეწყობა, სადაც დაინტერესებული პირები პრაქტიკულ მეცადინეობებს გაივლიან.

მებალეობის სასწავლო და სადემონსტრაციო ცენტრის მეშვეობით ადგილობრივი ფერმერები მიიღებენ ცოდ-



ნას და პრაქტიკულ ჩვევებს, რომლის უახლესი ეფექტი საშუალო წლიური წარმოების გაორმაგება და სეზონური წარმოების გახანგრძლივება იქნება. ცენტრი არაკომერციული იურიდიული პირია, რომელიც

ნევრობაზე დაფუძნებული და აერთიანებს უცხოურ და ქართულ აგროპროდუქტების და სასათბურე ტექნოლოგიების, სერვისების და სწავლების და ტრენინგების მიმწოდებელ კომპანიებს. ცენტრის ფუნქციონების მთავარი ბენეფიციარები იმერეთის რეგიონში მოქმედი სასათბურე ფერმერები არიან, რომლებიც ასევე ცენტრის წევრებად არიან გაერთიანებულნი.

„ეს არის ადგილი, სადაც მოთხოვნა და მიწოდება ერთმანეთს ადვილად შეხვდება. ჩვენ ყოველმხრივ ხელს შევუწყობთ ამ ურთიერთობის მაქსიმალურად გამარტივებას“ - აღნიშნა შპს „იმერეთის აგრო ზონის“ დირექტორმა არჩილ ბუკიამ.



აღსანიშნავია, რომ „იმერეთის აგრო ზონამ“ გასულ წელს სასათბურე მეურნეობების კლასტერის განვითარების პროექტში მონაწილეობის მისაღებად საერთაშორისო წინადადებების მიღება გამოაცხადა. შედეგად, 10 სხვადასხვა ქვეყნიდან 28 წინადადება მიიღო.



ქუთაისში, დევნილი ოჯახებისთვის 800 ბინის მშენებლობა გალე დასრულდება



ქუთაისში, შერვაშიძის ქუჩაზე, 800 დევნილი ოჯახის განსახლების მიზნით, ხუთი 16 სართულიანი კორპუსი მშენდება. ამჟამად, ახალაშენებულ კორპუსებში განსახლების მსურველი დევნილი ოჯახების მონიტორინგის პროცესი მიმდინარეობს. მშენებლობა უკვე დასრულების ფაზაშია და იძულებით გადაადგილებული ოჯახები თანამედროვე სტანდარტების ბინებს შემოდგომით მიიღებენ.

სამშენებლო სამუშაოების მიმდინარეობას იმერეთში სახელმწიფო რწმუნებული ზვიად შალამბერიძე, ასევე, დევნილთა, ეკომიგრანტთა და საარსებო წყაროებით უზრუნველყოფის სააგენტოს დირექტორი ჯაბა სირბილაძე და ქუთაისის მერი იოსებ ხახალეიშვილი ადგილზე გაეცნენ.

გასულ წელს, საცხოვრებელი ფართობი 900 - მდე ოჯახი დაკმაყოფილდა. წლის ბოლოს, ქუთაისში კიდევ 800 დევნილი ოჯახი მიიღებს ბინას. მნიშვნელოვანია, რომ უახლოეს პერიოდში, ამავე ტერიტორიის მიმდებარედ, დამატებით 720 დევნილი ოჯახის საცხოვრებელი უზრუნველყოფის მიზნით, ახალი კორპუსების მშენებლობა დაიწყება.



სოფელ გეგუთში თანამედროვე სტანდარტების ახალი სკოლის მშენებლობა დასრულდა



ვითარების ფონდის მიერ, საგანმანათლებლო ინფრასტრუქტურის მშენებლობისა და რეაბილიტაციის პროგრამის ფარგლებში, 67 სკოლის მშენებლობა, 100 სკოლის რეაბილიტაცია და ენერგოეფექტური კომპონენტის გაძლიერება მიმდინარეობს. საგანმანათლებლო პროგრამას საქართველოს მთავრობა და დონორები (CEB და NEFCO) აფინანსებენ. პროგრამის საერთო ღირებულება 300 მილიონ ლარზე მეტია.



საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა, სკოლების მშენებლობისა და რეაბილიტაციის პროგრამის ფარგლებში, სოფელ გეგუთში ახალი სკოლის სამშენებლო სამუშაოები დაასრულა. 240 მოსწავლეზე გათვლილი №1 საჯარო სკოლა თანამედროვე სტანდარტების შესაბამისად აშენდა. საკლასო ოთახების გარდა, კეთილმოეწყო სკოლის ეზოც, დამონტაჟდა გათბობის, წყალსადენის და კანალიზაციის სისტემები. სკოლა სრულად არის ადაპტირებული განსაკუთრებული საჭიროების მქონე მოსწავლეებისათვის.

ზვიად შალამბერიძე: „საგანმანათლებლო ინფრასტრუქტურა ჩვენი ხელისუფლებისთვის ყოველთვის იყო და მომავალშიც იქნება პრიორიტეტი. მიმდინარე წელს იმერეთის მასშტაბით 3 ახალი სკოლის მშენებლობა გვაქვს დაწყებული და 13 სკოლის რეაბილიტაცია მიმდინარეობს. საერთო ღირებულება ჯამში 43 000 000 ლარამდეა. სამშენებლო-სარეაბილიტაციო სამუშაოები წლის ბოლომდე დასრულდება და რამდენიმე თვეში ჩვენს მომავალ თაობას ექნება საშუალება სრულად განახლებულ სკოლებში გააგრძელონ სასწავლო პროცესი.“

საქართველოს რეგიონული განვითარებისა და ინფრასტრუქტურის სამინისტროს მუნიციპალური გან-



იმერეთიდან უკრაინაში ჰუმანიტარული ტვირთის მეორე ნაწილი გაიგზავნა!

ბის რეგიონებთან ურთიერთობის დეპარტამენტის ჩართულობით, მთელი საქართველოს მასშტაბით, უკრაინელი ხალხის დასახმარებლად მეორე ეტაპზე შეგროვილი ტვირთი უკრაინაში უკვე გაიგზავნა.

იმერეთის რეგიონიდან ჰუმანიტარული ტვირთის გაგზავნის პროცესს ადგილზე იმერეთში სახელმწიფო რწმუნებული ზვიად შალამბერიძე ხელმძღვანელობდა. უკრაინელი ხალხის დასახმარებლად, იმერეთის რეგიონის 12-ვე მუნიციპალიტეტში, მერიების სარეზერვო ფონდებიდან გამოყოფილი თანხებით მოხდა სამედიცინო დახმარების კაგნების, მედიკამენტების, ასევე ჟანგბადის კონცენტრატორებისა და ჰუმანიტარული დახმარების სხვა საგნების შექმნა. გარდა ამისა, რეგიონის მასშტაბით შეგროვდა არამალფუჭებადი პროდუქტები, ჰიგიენური საშუალებები ტკბილეული და ტანსაცმელი.

ზვიად შალამბერიძე: „პრემიერ მინისტრის გადამწყვეტილებით, უკრაინელი ხალხისთვის საქართველოდან ჰუმანიტარული დახმარების მობილიზაცია გრძელდება. იმერეთში, მეორე ეტაპის ფარგლებში, 40 ტონა ტვირთი მოგროვდა და გაიგზავნა უკრაინაში. მადლობა მინდა გადავუხადო კერძო სექტორს და იმ ადამიანებს, ვინც სახელმწიფოს გვერდით დაუდგა და ერთიანი ძალისხმევით დავეხმარეთ უკრაინელ ხალხს.“



პრემიერ-მინისტრის გადამწყვეტილებით, რეგიონის სახელმწიფო რწმუნებულებისა და მთავრო-

ქუთაისის ბოტანიკურ ბაღში, უკრაინელი ბავშვებისთვის, რომლებიც საომარი მოქმედებების გამო მშობლებთან ერთად საქართველოში ჩამოვიდნენ, გასართობი ღონისძიება მოეწყო. ადგილობრივი ხელისუფლების წარმომადგენლებმა ბავშვებს სამახსოვრო საჩუქრები გადასცეს, ხოლო მათ მშობლებს კიდევ ერთხელ გამოუცხადეს თანადგომა და მხარდაჭერა.



კოლცაჲ
 აღდგომის ჰაჩყინვარე დღესასწაულს